



清源文獻序



泉之有文集舊矣宋郡守真西山公  
實壽諸梓旋罹兵燹復溷胡腥漸滅  
靡或遺者即郡乘所志藝文千百中  
不能一二鄉先生忤菴何公里居耽  
寤證鄉今故爰迺遐搜邇采粹成篇  
表名之曰清源文獻授廡二子藏于

家今郡守新安羅陽程公憑熊餘暇  
博詢故府則憮然慨曰衆固人文淵  
藪也如椽生花之筆叢桂春草之詞  
厥宜爛焉紀載今自郡乘外散軼靡  
存文獻不足一至是乎論世者將奚  
徵焉聞先生有茲集則就厥嗣儀部  
君稚孝請銓剌以傳而妄不佞序不

佞唯唯蓋吾郡以文鳴者自歐陽行  
周始當其離隱潘湖一向中州士角  
藝遂與韓退之李元賓輩相頡頏詎  
不韡然著哉顧其事父母孝與朋友  
信義而伏闕推賢天下高之歐陽子  
蓋廩廩篤行君子匪直擅文藝名已  
爾群哲嗣興率由斯軌寢昌熾以迄

今日唐史稱閩越地肥衍饒山泉禽  
魚其士氓不樂北宦及常衮為觀察  
使始擇縣鄉秀氓能文詞者講賓主  
均敵禮宴游必與里人矜耀故其俗  
稍相勸仕迺今日之矜耀已盈矣羶  
薌榮途羔雉文藝漢史遷謂儒業寢  
盛由利祿之路使朕今天下士亦奚

庸勸而吾郡士掉鞅游及又寢為天  
下士弁冕冠裳纓鞞蟬連林立即沉  
淪草澤樂飢衡泌者亦家握隋珠人  
抱和璧岸然足謂無前衆之望吾郡  
士也若推鋒然茲集第撫錄徃作耳  
模繪采於殘縑探澱紋於逝水業已  
駭心奪目不可勝收藉令數十載之

後廣遺續編又不知鄧林之瑋幹玄  
圃之瓊瑤奚所厝斧斤函篋矣是今  
日所少者非文也

國家方張羅天之網籠絡英雋士奚  
必憚北宦狃昔人顛陋故習立德立  
言均垂不朽亦奚必逃玄虛擯鉛槧  
見為名高要以挽澆歸淳哉耀還澹

令華實相稱不乖先進矩矱而已由  
今頌斯集想見其人或湛涵道真或  
勒勛彝鼎或抗節廊廟或葆素林泉  
至于揆藻颺詞擬騷賡韻特其餘緒  
焉先生採摭雖博而屬意良深踵治  
躅之前修衍芳規於百禩是所為也  
注詔來意乎願如送將歸賦縣澹序

彼哉者安所稱獻其猶錄何凡例標  
之矣不以人廢言固孔門家法也元  
凱登庸臯夔稷尚在列即四凶奚害  
乎在而家有弗類之子黨有所施之  
關德門仁里不以其故貶重昔人有  
云李陵失身隴西為耻夫隴西之有  
李陵也其焉用諱惟諸人士咸用為

學私泚則有秦岱滇渤在若就余鄉  
而求所為崗巒岫嶂之奇谿壑漪淪  
之勝是編當之矣蹤跡未湮槩矐如  
見縑緗弗滅意指可尋詩有之高山  
仰止景行行止能自得師是在于後  
之君子何先生生平伉仉勒成是編  
而程公勞來綏輯之暇拳拳垂意斯

刻意蓋深乎意蓋深乎西山先生叙  
中稱集在宋時成於前守新安程公  
而今守程公亦新安人先後數百年  
表章斯文倡興闕事而其氏同其地  
同亦一異也不佞於前所稱歐陽先  
生而下數君子無能為役辱公委命  
稽弁簡端致嚮往焉

萬曆丁酉春正月吉

賜進士第通議大夫戶部右侍郎前  
都察院右副都御史奉

勅巡撫江西等處地方兼理軍務晉  
江莊國禎誤



刻清源文獻序

昔尼父考三代之禮取徵文獻以其  
彰往詔來關係世教不淺也閩省以  
文獻雄天下清源實稱鉅郡自郡人  
歐陽行周氏讀書清源山與韓愈李  
觀輩同舉進士著聲於唐閩人始知  
向學則清源固八閩文獻淵藪也余



清源文獻  
一  
身受句讀佩服蔡虛齋陳紫峰兩先  
生所著說因想慕其為人又想慕其  
里中先後多君子何緣得入其境叨  
藉芳潤冀以自泚茲謬典郡符游身  
賢哲之林既獲事且友之矣亟索唐  
宋以來諸名家載籍鮮有存者咸謂  
荷穉孝氏家藏其先公忤菴先生輯

有清源文獻然收拾殘蠹之餘盈編  
累帙亦足以繫邦人仰止之思焉竊  
嘗論之言為心聲人以品重其言純  
正而雅馴必其心之光明而洞達者  
也必其人之高賢大良品之竒偉卓  
絕者也讀其文三復賞嘆惟恐其終  
篇也其言怪誕而纖嗇必其心之傾

險而曖昧者也必其人之奸深邪曲  
品之卑鄙庸瑣者也讀其文氣閉意  
銷舍之而他閱已今集中所載率多  
名儒碩彥之品裁端人修士之華藻  
近之則可以檢束身心遠之則可以  
恢弘治理折之則可以博綜名物舍  
之則可以考鏡風氣言矩於理即素  
溢發如王沂公韓魏公產於茲土而  
後去為它郡人姑勿論已即蘇司空  
留忠宣梁文靖數君子其人品壹何  
皦潔磊落也

明興以來名世遞出蔡司成之理學  
張少保之經濟王叅政之文章斯其  
人於當代所稱鉅公碩儒豈讓哉而

至夫植節惇倫砥行姦脩之士宣猷  
熙績致命遂志之儔響振一時輝映  
後禩繇唐迄今臚列郡志中者未易  
縷數也郡以文獻重不虛矣彼其獻  
而文者固多其或獻矣而匪當文然  
往往因它文以著文矣而匪當獻然  
其文蓋自有足稱者乃今自近世外

散軼遺脫什伯不一二存諸前脩餘  
馨贖馥僅僅寄之斷篇殘簡間失今  
不為收輯更邁歲月且歸澌盡惜也  
是編所載分門別彙博採旁蒐其人  
而文不必當於獻而以文收其人而  
獻即不足於文而於它文得以具諗  
其槩合之而文獻備焉庶足徵矣今

夫語山則推巖從於秦岱今夫語水  
則推潢漾於溟渤斯論其至也若乃  
崗巒岫嶂之奇谿壑漪淪之勝微獨  
生於其土者每張揚誇詫以為其土  
重即非其土之人登臨眺瞻亦且流  
連徘徊不能舍去何者亦各言其致  
爾吾儕遐矚八荒逖視千古所為願  
耻此隴西之所謂美俗也覽斯集者  
可以惕眩省矣是又先生意也程公  
蒞郡廉明百廢具舉其帥士常先德  
器後文藝不佞又特推公意著于編  
俾將來尚論者考焉

萬曆丁酉孟春望日

賜進士及第嘉議大夫禮部右侍郎

兼翰林院侍讀學士在告奉  
召起吏部左侍郎南京禮部尚書仍  
予告郡人晉江黃鳳翔撰



凡例

一是集以文獻名文者典籍獻者人賢今不復分  
者因文以見獻即馬端臨通考而獻寓焉今從  
其例

一是集自唐以迄宋元世遠言湮載籍已缺偶得  
斷篇殘簡即如交口對面之快而復恨其少也  
故有得即收之自明興人文輩出弘正以來  
家握中山矣故必有集盛行方收之若賢子  
孫欲揚其先人能出於蠹蟬之餘者亟收之詳  
於古而嚴於今誠以古不可復遇而今有待也

一真西山守泉時纂泉郡詩文七百餘篇名曰清源文集而復序之曰志以紀事集以載言志經也集緯也可相有而不可相無也迄今兵亂之後文集無復存者即嘉定志世絕不見淳祐志已無全編嘉靖癸未隆慶戊辰二志又不復詳詞翰然則文獻不足非一日矣茲集誠不可無刻

一新安文獻海鹽文獻淮郡文獻莆陽文獻諸書有不錄生存者重蓋棺也有槩錄生存者慮遺賢也茲集皆彙選既往之文其生存者以待論定未敢輕錄

一爵里名氏之下有論道其生平者皆考諸通志若其人既否只錄所賢蓋古善善長之意宗蔡呂是也其猶錄者不以人廢言也司馬遷曰多劫人者大國之風也

一是集詩文俱以世紀先後為次第我朝諸集其収采豐約亦據集多寡而盈縮之非敢有所軒輕也

一唐初莆田為泉屬縣天寶元年改清源為仙遊亦泉屬縣故林攢林披林蘊林藻許稷陳郁陳

致雍陳嶠徐寅黃滔翁承贊諸人俱屬之泉志云某泉州仙遊人某泉州莆田人即宋淳祐志皆纂入泉州有以也自宋太平興國四年以後始折置興化軍此後人物方屬興化不復纂入矣今文獻既以清源名則不得遺諸賢並收入如淳祐志例

一歐陽詹與邑士王式書述吾鄉儕友有吳播薛壽鄭簡康暉王雲卿皆博雅君子又志有處士王肱之以詩著名晉江吳翊黃為黃舊陳永鵬柯瞻夢王文象石自勗七子詩又有晉江之楊

少陽趙汝褒陳宗道南安之黃暉王以永春之顧孝初黃豫安溪之楊景申林德秀同安之謝倫許權薛純儒惠安之江致堯丘崇陳世德皆有詩名有文集又如謝景山之妹見於歐陽公所序陳景溫之賦出於淳祐志所推今皆不傳其片語又如志中所載泉山集郡南集琅琊集拙菴詠雙溪集嬾窠集龜峰集容安集玉泉集儵溪集覆瓿集休齋諸集卧龍集省齋集竹隱集唐黃滔編泉山秀句自武德至天祐凡三十卷皆其著者今亦不見其一二蓋蒲氏之變泉

郡槩遭兵火無復遺者又吾郡僻在一隅傳播  
不廣習尚纖嗇梓刻不多地氣卑濕蠹魚為害  
慨前人之苦心悲後世之漸滅故茲集遺失者  
多所収者千萬之一二也昔人有言類集多傳  
獨集難久茲集庶幾托類以傳乎

一韓魏公琦產於吾泉陳了翁瓘讀書於泉今皆  
祀鄉賢祠而魏公今太守新安程公復考其自  
生之地專祠之府廨方輿勝覽謂二名賢生長  
於此此郡人所喜談者淳祐志載焉今仍収入  
又唐潘存實憲宗時為侍郎漳州未析置之先  
志屬之泉宋王沂公會據譜武肅王之後四傳  
至青州益都尉克為公之父沂公與父家益都  
弟復歸泉其裔見存沂公去益都時年已八歲  
寔泉產也明立文莊公濬其祖自晉江去瓊為  
小官因家於瓊文莊嘗與中丞養浩通譜不忘  
泉郡陳真晟舊生晉江移漳之後自稱泉南布  
衣皆泉派也亦並収入但精摘其要者不敢如  
吾泉先獻之多採也

一新安文獻志程為河南二程之後間亦纂二程  
遺文今考吾泉傅家實堯俞之孫始遷于泉故



於獻簡公文亦依例收入

一是編多有聞人達士反不得列者專主于文章也其人或以功德或以氣節或以政事則自有

載記不待此以為兼美矣故不錄

一引用諸書皆出自家藏故不甚備統矣博雅同志之君子隨見再增或著為續編補遺可也

清源文獻姓名爵里

寓賢君子之去國者或隱身以遁迹或宦遊而僑居也近者數十年遠者長子孫焉先之寓賢有賓流

唐

秦系字公緒會稽人建中初隱南安九日山不一至城府姜公輔謫泉築室近公以居張建封

聞公不可致就加校書郎自號東海釣客以五言詩得名權德輿曰長卿自謂五言長城系用偏師攻之矣韋應物答公亦有五言今日為君休之句其後東渡秣陵年八十餘卒南安人號所居之峰為高士峰

韓

偓字致光京兆人龍紀元年進士為翰林學士承旨昭宗時朱全忠惡之累貶鄧州司馬後

兩召不入擊族南安依王審邽作招賢院禮之有香奩集○李端叔序曰咀五色之靈芝

香生九竅咽三危之瑞露美動七情○石林葉氏曰倭在閩所為詩手自寫成卷嘉祐間商孫奕出其數卷示人麗穎公為曹取奏之因得官香奩集唐書執文志亦載其詞皆閨房不雅馴豈其流落亡聊中姑以為戲然不可為訓矣又曰倭兩召不行非特避禍蓋終身不食梁祿其大節與司空表聖畧相等惜唐史不少發明也

周

朴

字太朴吳人隱安溪永安里所居有塘因名周塘又隱惠安產坑山後徙福州為黃巢所殺○歐陽公曰晚唐詩人無復李杜豪放之格然亦務以精意相高如周朴者措思尤艱極其彫琢故時人稱朴詩月銀季鍊未及成嵩已播人口○曉來山鳥鬧雨過杏花稀風急鳥聲碎日高花影重古陵寒雨絕高鳥夕陽明高情千里外長嘯一聲初皆公佳句也

五代

詹敦仁

字君澤仙遊人嘗請閩王昶上書昶命參決軍事不受聞清溪縣有佛耳山峭絕高大可

劉

乙

字子真仕閩為鳳閣舍人隱安溪鳳髻山家馬有詩集與周朴劉乙相友善

宋

班

敦仁次子勸陳洪進納士歸隱鳳山時人必年德稱之有集傳世

陳

瓘

字瑩中號了翁沙縣人侍父備守泉讀書九日山元豐二年進士甲科仕左司諫贈右諫議大夫謚忠肅○方輿勝覽曰韓魏公生於州治陳了翁兩隨侍來守郡二名賢生長於此此郡人所喜談者淳祐志曰魏國忠獻王琦國之元勳誕育于此忠肅陳公瓘古之遺直侍親于此俱繪像焉今並祀鄉賢

李

邴

字漢老濟州鉅野人參知政事家泉州多詩佳山水賦詩自娛號雲龕先生累贈太師謚文肅有草堂前後集一百卷

元

陳

旅

字衆仲莆田人少負英爽溫陵從傳古直游有聲洛中丞馬祖常奉使泉南一見奇之勉游

陳

駘

字玄甫先居閩之方山至正中以學行薦補勉齋書院山長改泉州人潯美場司丞後歷官歸田里道由泉州人懷其舊德因留之

黃貞仲

至正間人居南安

王翰

字用文其先廬州人襲祖千戶職為涪中遷潮州總管歸經晉江寓居沙堤後徙永福

友石山人明興高皇帝聞其賢召之自列死

趙賢

本馬

趙賢者其身不家於是而子孫載族以徙趙賢

宋

李昭

字成季別號樂靜少游孫莘老蘇子瞻之門文甚高與晁補之齊名元豐二年進士

不彘公斥官地畫北竈具棺象作文風曉之累官提點京東刑獄坐元豐黨奪官閑十五年貯圖書十囊名曰燕游十友紹興初復官使陝西有車吉被誣盜釋之後遇於道驢名馬咲却之若樂靜集三十卷娶魏國公韓琦女

傅堯俞

字欽之先濟源人官吏部尚書謚獻簡子孫今居泉州

孕賢

而孕賢者或誕生其地或其父祖泉人也它遷徙而生焉則亦不能忘祖矣

宋

王魯

字孝先泉州人後徙青州鄉貢禮部廷對皆第一官右僕射平章事集賢殿大學士封沂國公謚文正公無子養子緝又與史合

韓琦

字稚圭安陽人父國華知泉州生公署中舉進士第二仕右僕射封魏國公王建祠府治

祠於鄉賢今郡守新安程藩陽公建祠府治

明

丘

濬字仲深晉江人徙瓊州景泰甲戌進士官至

郡賢

薦紳

唐

歐陽詹

字行周晉江人貞元八年陸宣公舉進士公

與韓愈李觀李絳崔群王涯馮宿庾承宣聯

第皆天下選仕四門助教○韓文公曰其文

章切深喜往復善自道讀其書知其於慈等

最隆也○李貽孫曰新無所襲才未嘗困精

於理故言多周詳切於情故叙事重復

蘇藻

泉州人字夢復藻弟明經及第邵州刺史

蘇稷

泉州人字君苗貞元十八年進士官衛州

潘存實

泉州人字鎮之時長泰未杝也元和十二年

進士歷南省為戶部侍郎右庶子有禮耕情

陳嘏

晉江人字錫之開成三年進士終刑部郎中

歐陽柅

字降之詹從子工於文以事流崖州賜死臨

刑不撓為書遍謝故人自為墓誌人皆憐之

陳黯

字希孺南安人十歲能詩舉進士十八上不

第隱同安佳禾與讀書終身號曰場老所著

有釋正○晁氏曰唐書庫有綺莊集十卷今

止四卷其詩如置酒揚州送人皆不九而樂

盛均

字之才永春人博物強記皇甫煥以博辨雄

一時惟均為勅敵嘗病白氏六帖疏畧廣成

歐陽澥

盛家十二世。所好仕。昭州刺史。○次。崔林氏曰。盛昭州賢。論高當在歐陽四門之。其味悠永。其辭典其。

徐寅

泉州人。字昭夢。乾寧元年進士。秘書省正字。

黃滔

泉州人。字文江。乾寧二年進士。威武節度推官。

翁承贊

泉州人。字文堯。乾寧三年進士。左散騎常侍。御史大夫。

五代

顏仁郁

德化人。字文傑。五代為歸德場長。號顏長官。時政荒。民散。公撫之。一年。祿負。至二年。田菜。

陳致雍

南唐通鑑。泉州仙遊人。及第。官詩邑人。途歌巷唱。沒而祀之。

劉昌言

字禹謨。南安人。太宗朝。獻紀聖德詩。五十韻。仕工部侍郎。得君之盛。未有其比。

錢熙

字大雅。南安人。以文名。為宰相。所推譽。太宗命直史館。公好學。負氣善談笑。精筆札。嘗。

古樂雜言。措刑論。為識者所許。○王銍。賦。萬餘言。太宗愛其才。擢館職。嘗撰三酌酸文。世稱精絕。畧曰。渭川凝碧。蚤拋釣月之流。商嶺排青。不逐眠雲之客。又云。年落第。春風徒泣於遷鶯。處處羈遊。夜雨空悲。於斷鴈。鄉人李慶孫。哭之曰。四夷妙賦。無人誦。三酌酸文。舉世傳。

曾會

字宗元。晉江人。端拱二年進士。第。二人官止。集賢殿修撰。贈楚國公。子公度。公亮。

陳從易

字簡夫。晉江人。端拱二年進士。第。少卿。龍圖閣直學士。有泉山集。中書制稿。西清奏議。

六儒古詩話。曰。陳舍人。當時文方盛。之時。獨以醇儒古學。見稱其詩。多類白樂天。



藩鎮有莊子解為文長於表奏○劉後村曰  
考亭論荆公東坡門人寧取吉甫而不取秦  
少游其說以為吉甫猶看經書少游翰墨而  
已孫鴻慶觀序其文謂詞嚴義密追古作者  
○蘇子瞻曰吉甫終會作文字

**蘇隨** 晉江人嘉祐二年進士仕傳羅令棄官脩煉  
端坐而化號紫雲先生

**蔡確** 字持正晉江人嘉祐四年進士尚書左僕射  
觀文殿學士後安置新州卒于貶所紹聖中

**曾慥** 字端伯晉江人公亮曾孫懷之弟恬之兄尚  
書郎直寶文閣奉祠博學能詩選宋百家詩  
後語之取息夫躬取蔡確送將歸賦猶楚辭

**張讀** 字聖行安溪人紹聖四年進士以直講出知  
興化軍居喪廬墓蔬食終制所交皆天下士  
與陳瑩中友善為趙清獻所知獎後與李方  
叔端叔為蘇黃門客年八十卒李文肅以詩  
哭之曰累日塵生甑經年肘見衿

採御之法以為殘生害道云

**黃翰** 惠安人黃宗旦之孫知柳州

**吳同** 字稚山惠安人紹興八年進士官夷陵州人  
廟祀焉自號耐閑翁詩集六卷黃維之為序

**蔡茲** 字光烈永春人紹興十二年進士仕至南恩  
守為考官取朱熹人服其巨眼

**謝起宗** 字安人趙昂稱其才識陳休齋銘其墓稱曰  
菱溪先生

**陳知柔** 字體仁永春人紹興十二年進士從易之族  
孫歷知賀州秦檜當國一時前列多拔昂貴

公不少貶盛年即有歸志自號休齋居士  
游名山記曰陳知柔在天台奉安輿徧遊名  
山歸至會稽愛巖壑之秀留止二年罷賀州  
歸留惠陽三年暇日泛豐湖登白鶴峰追和  
東坡詩陶寫羅浮風物殆盡

傅自得

字安道堯俞之孫以父察補官幼賦玉界尺  
詩李文肅公異之遂妻以女子伯壽伯成

王識

字致遠永春人精星曆與陳知柔相交善預  
鄉薦

王獻臣

字賓虞惠安人號目龍翁官秘書郎

王寘

梁克家

字叔子晉江人紹興二十年進士第一人右  
丞相封儀國公謚文靖公在政府與厚乞文  
可否則相濟不苟為同其風度峻整為文渾厚  
明白自成一家辭命溫雅多行于世惜今不  
概見也

林外

字工詩詞仕興化令有嬾窠類稿三十年  
字仲志永春人留從效之裔紹興三十年

留正

字淳熙中拜右相光宗為皇太子孝宗語之  
曰留正純誠可托孝宗崩光宗不克臨累乞  
立嘉王太子與主議者不合遂以五鼓肩輿  
去寧宗即位召還後相進封魏國公謚忠宣

傅伯壽

字景仁晉江人傅察之孫自修之子日誦萬  
言詞賦立就皆驚人語李文肅柳日為謫仙  
才黃侍郎鈞稱其文猶濯錦於蜀江虞雍公  
亦謂其璞玉加琢序記高古四六精絕詩篇  
有三百餘韻者累遷簽書樞密院事請祠歸

傅伯成

字景初伯壽弟兄弟俱隆興元年進士少從  
朱文公學為大理寺丞進言呂祖儉不當以  
上書貶朱熹不當目以偽學出知漳州推文  
公遺意而遵行之仕龍圖閣學士扶正疾和  
病革猶手草遺奏卒年八十四贈開府儀同  
三司謚忠簡號竹隱



李綸 字世美 郟第四子 以父任提舉廣東有清操

楊炳 字若晦 晉江人 淳熙二年進士 實謨閣直學

士年八十一為文渾厚簡古時與傅伯成李

莊夏 字子禮 永春人 淳熙八年進士 煥章閣待制

封永春縣開國男 贈少師 寧宗贊其像曰 天生美質 學業道遙 堅冰志操 歷仕三朝 忠言

留鑄 字端父 正之子 龍圖閣學士 正諸子中 鑄尤

留筠 正子

留碩 字季膺 正之季子也 歷官南息州 知建昌軍

儲用 字行之 晉江人 淳熙十一年進士 知廣州

達克恭 字彥禮 南安人 淳熙十四年進士 知興化

曾從龍 字君錫 晉江人 公亮四世從孫 初名一龍 慶

元五年進士 第一人 改今名 官至刑部尚書 參知政事 贈少師 弟用虎 天麟 治鳳 皆有文

傅烈 字承仲 晉江人 慶元五年進士 知梅州 公事

親孝恬於榮利 當世稱之 晉江人 迪功郎 大理寺簿 夏之長子

留元長 正孫 碩子

留元崇 端子 正孫 通判 興化軍

留元剛 字茂潜 永春人 留正之孫 中博學宏詞 科嘉

定中累遷 直學士 權起居舍人 嘉定更化 以後大臣 寔謀固位 公慨然有振刷斯世之志 會以內艱 去起知溫 贛二州 罷公博學強記 為文奇峭 早負盛名 自擬大用 已乃鬱鬱不 樂築圃北山 吟咏其下 真文忠最禮敬之 有

黃必昌

字景父晉江人嘉定十年進士通判循州嘗

趙時煥

字元晦晉江人宋宗室嘉定十二年進士仕

顏若愚

晉江人嘉定十三年進士

王 胄

字希戴永春人省元嘉定十六年進士能文

曾 純

字景亮晉江人嘉定十六年進士

洪天錫

字君疇晉江人寶慶二年進士端明殿學士

謚文毅公言動有準繩臨是非不可回折在  
朝力言君子小人相辨貴戚宦習之害疾革  
猶草遺表以規君相所著有陽岩文集○公  
立朝累上封事度宗初改除工部侍郎直學  
士院兼侍讀力辭旋界職名帥閩公在閩學  
嘗書桃符曰平生要識瓊厓面到此當堅  
石心蓋其剛勁之氣未嘗一日少阻也○

東野語曰近世敢言之士雖有之然始  
節明目張膽言人所難絕無而僅有曰温  
洪公君疇一人而已

王南一

同安人知漳州紹定二年進士

陳晉接

永春人模子紹定五年進士第二人

王 稼

晉江人端平二年進士從游陳北溪之門

莊彌高

晉江人夏之孫

莊彌邵

字謙山晉江人夏孫官朝奉大夫大府大監

儲 擢

用之子守雷州

梁椿選

晉江人淳祐元年省試經魁官右正言

黃囂孫

字景傳惠安人寶祐四年進士台州錄事朱  
文公高弟輯朱文公所解太極通書西銘三

書及諸儒所發揮者名曰輯解學者宗焉

趙必昇 字伯暉太宗十世孫悵望中原慨然有祖述

首將自刺張世傑回兵圍城壽庚盡殺宗室  
縛公且斬之錄曹參軍吳伯厚計出之遂居  
泉之東陵日與漁樵方外士班荆燕坐不問  
人間事以壽終有茹芝東陵等集

元

盧琦 字希韓惠安人知永春有名終平陽州有圭

傅定保 字季謨號古直晉江人大德初授三山書院  
山長辭歸以平江教授致仕有四書講稿及  
詩文若干卷

莊震孫 字元振晉江人莊夏之玄孫元末薦授郡  
訓導

國朝

莊濟翁 震孫之子洪武三年舉人仕終員外郎

鄒居賢 晉江人洪武二十年舉人臨武教諭

蔡惟溥 晉江人永樂二年進士官至欽州知州入名

朱鐸 字允學晉江人永樂四年進士官至戶部主

楊曜宗 晉江人字世顯洪武中以明經薦授晉江訓  
導累遷韓府長史善古文字書法有桐月山房  
藁子與

胡守宗 晉江人永樂十年進士仕終吏部員外郎

朱鑑 字用明晉江人永樂十二年舉人官至都御

史正統己巳之憂公涕泣積恨於君父之仇  
疏十餘上皆邊防大計其保障鴈門方畧至  
今賴之餘○黃河清曰詳公之世有足陰維社  
稷動天地而感鬼神者惜彭惠安錄本朝名  
臣於公偶遺也

何觀 晉江人 永樂二十年舉人 精詞翰 以中書舍

何祐 字天錫 晉江人 宣德中貢士 詩詞腹麗 與溫

莊敏 字廷功 晉江人 謙才子 正統十年進士官至

溫良 字允仁 晉江人 正統十二年舉人 宋溫豫之

李汝嘉 晉江人 天順八年進士官至浙江參政

趙珪 字德用 晉江人 宋宗室之後 成化二年進士

一與羅一峯 陳白文評曰 狀元拜相 必此人也 又

事一豆日晏忘食 講究不輟 官終廣東提學 會

惠安人 成化十一年進士 仕終貴州參政

蔡清 字介未 晉江人 成化二十年進士官 國子

文莊有虛齋文集 先生之學 初主於靜 既又

主於虛以六經為正宗 四書為嫡傳 四儒為

真派 平生精力盡用之 易四書 蒙引 闡發

秘天下學士 師宗之 泉理學 自考亭來 簿同

安之 後私淑 雖多得其宗 者先生一而巳

可謂聖門之翼 衛名世之鴻 碩也 莆田林俊

曰介夫 詩文別出 體格 掖人心 而繫名 教卒

鄭賢 晉江人 成化二十二年舉人 皆其弟子

奎 字德燦 成化二十二年舉人 仕教諭

趙瑞 字惟德 晉江人 弘治三年進士官 至戶部郎

李聰 字敏德 晉江人 弘治三年進士官 翰林檢討

家居鄉人稱曰古李先生

田崑 字景瞻 晉江人 弘治六年進士官至寶慶知府

林城 晉江人 弘治九年進士仕饒州知府

顧珀 字載祥 晉江人 弘治十二年進士官至戶部侍郎公致政家居凡政俗之利病治化之得失上諒下教不遺餘力鄉國之著龜也

鄭良佐 晉江人 弘治十二年進士仕潮州府知府

王宣 字元佐 晉江人 弘治十七年舉人受業虛齋之門養親不仕次崖林氏曰先生俯視一世仰觀千古精研前聖洞貫百家時出餘緒別俗學使竟其所至必有發前聖所未發者

于儀 字文範 晉江人 弘治十八年進士官終僉事

王疇 南安人 弘治中貢士仕訓導

黃鉞 南安人 正德二年舉人

李墀 字獻忠 晉江人 正德二年進士官終僉事

傅檝 字廷濟 南安人 浚之子 正德六年進士官終僉事

河綱 晉江人 正德八年舉人

郭楠 字世重 晉江人 正德九年進士官至知府公

黃偉 字孟偉 同安人 正德九年進士官至知府居官極廉養親講學郡守以公及李源田崑三坊為善俗以旌之

陳琛 字思獻 晉江人 正德十二年進士官至提學

論之曰望風標似神仙怪物聽議論似瀛洛真人當世以為名言蓋虛齋既沒無媿師門

者一人而已○王參政曰先生之書如四書  
淺說易經通典焯然昭布大行而又存與世  
相弊可也

史于光

字中裕晉江人正德十二年進士官終給事  
中任顯秩十餘年妻子無以為居食貧而無  
怨清風可比古人

林希元

字茂貞同安人正德十二年進士官初授大理  
評事條上新政八要遷寺正與堂官執議刑  
獄降泗州判官復以抗節棄官大臣交疏薦  
之歷陞大理寺丞值大同軍判遼東兵凌辱  
撫臣又抗疏極論姑息之弊謫欽州知州擢  
僉事公初喜事功晚年彌究義理之學所著  
有四書易經存疑行于世

張岳

字維喬惠安人正德十二年進士官都御史  
兼兵部侍郎卒贈太子少保謚襄惠公沉毅  
蘭重朴古忠正志匡天下所蒞荆粵滇蜀  
威懷德及乎蠻夷人比之諸葛武侯林侍

修八閩通志以公與莆林見素為八閩五

黃養浩

字以義晉江人正德十六年進士官終都御史

黃潤

字以誠晉江人正德十六年進士官至參政

黃澄

字宗獻南安人嘉靖二年進士官至知府

王慎中

字道思晉江人嘉靖五年進士登第時年十  
八仕河南參政三十二年而罷道思嶺生歐陽  
四門之後雄跨執林初涉秦漢之波流晚乃  
醉嗜歐魯以理為主而兼得秦漢之神精其  
為當代執苑英華不亦宜乎嘉隆以來歷下  
奔州承北地緒風希聲左馬以相雄長過為  
刺譏王元美推許道思之大而不能小或時有  
居巷室宛轉至謂其能大而不能小或時有

之乃歷下生稱昆陵晉江二君子持論太過  
 動傷氣格豈其然乎蔡政之文蓋原本六經  
 故其詞旨融深悠永○南豐邵廉曰王子所  
 為文不屑於一世之所尊尚而獨復乎禮樂  
 名數之原不妄於一人之所拘曲而窮扶夫  
 古今天地萬物之隱故其詞似淡實腴似平  
 實奇似淺實深似疎實密似豐實約雖其論  
 行而或激思精而或苦然已足專門而成家  
 晉江人嘉靖十年舉人仕戶部主事

尤麒

留子陳

晉江人嘉靖七年舉人

黃濂清

南安人嘉靖七年舉人仕戶部郎中

梁懷仁

字宅之晉江人嘉靖八年進士宋梁文靖之  
 裔官吏部主事與王慎中蔡克廉俱以弱冠  
 登第才名傾動縉紳惜其不水天碎國寶

莊一俊

字君斐晉江人嘉靖八年進士仕終參議

張志選

字以學晉江人嘉靖八年進士官至常州知

莊用賓

字君采晉江人嘉靖八年進士官至僉事以

黃光昇

字懋明晉江人嘉靖八年進士官至刑部尚  
 書謚恭肅贈太子少保居官清介雖登八座  
 而田宅不增子孫至無以為衣食歸家杜門  
 一以經史為業蓋陽綰趙抃之流亞也

蔡克廉

字道卿晉江人嘉靖八年進士官至南京戶

張天叙

字厚甫晉江人嘉靖十年舉人官至感恩知

柯元述

字元孝晉江人嘉靖十一年進士官至憲副

劉汝楠

字孟材同安人嘉靖七年舉人官至白眉集

徐榮

字仁卿晉江人嘉靖十一年進士仕至趙府

陳讓

字子升晉江人嘉靖十一年進士氣志高廣  
 不屑自同九輩為御史肯有巨奸劉東山為

造呪咀隨意指搗勳舊肆逆牽連仁壽宮闈  
都城震動公執東山學弓射父之罪東山遂  
誣公下獄公復為奏羣奸噴毀聖躬妄連宮  
禁上因復其官復以議大葬忤旨罷歸隆慶  
中追贈光祿寺少卿

李愷字克諧惠安人嘉靖十一年進士官至湖廣

鄭普字汝德南安人嘉靖十一年進士官至雲南

陳露字道章晉江人嘉靖十三年舉人官肇慶府

李奇俊晉江人嘉靖十三年舉人仕知縣

周天佐字弼晉江人嘉靖十四年進士官戶部主

黃鰲字時鎮晉江人嘉靖十四年進士官至湖廣

康朗字用晦惠安人嘉靖十四年進士官至湖廣

莊如愚晉江人嘉靖中貢士仕知縣

沈亨晉江人嘉靖中貢士仕教諭有士行

李一德晉江人嘉靖十六年舉人仕至襄府長史

陳彬惠安人嘉靖十六年舉人仕知縣

朱梧字子琴晉江人鑑玄孫嘉靖十六年舉人官

王時儉晉江人嘉靖十七年進士仕雲南參議

劉存德字志仁同安人嘉靖十七年進士仕副使

黃伯善晉江人嘉靖十九年舉人官至同知能詩

翁堯英晉江人嘉靖十九年舉人官至員外郎

晉江人嘉靖十九年舉人官至員外郎



沈洪 南安人嘉靖中貢士仕至教諭

詹洵 安溪人貢士仕高要縣丞

王承箕 南安人嘉靖十九年舉人仕知州

黃養蒙 字存一南安人嘉靖二十年進士官至戶部侍郎

黃天衢 南安人嘉靖中貢士仕知縣

洪朝選 字舜臣同安人嘉靖二十年進士官至刑部侍郎公鯁亮公正所至赫然有聲家居無干

金之產而好為諸大夫論當世之事張江陵政府傾陷天下士大夫撫紳勞堪望風羅織斃公獄中推奸之可畏若此夫○王尊巖與

李中溪書云吾鄉有洪芳洲先生文辭直得韓歐魯王象法與唐荆川最相知其所作

荆川不帝玉深甫之於南豐張文潛之於東坡為人峻潔忠信有古獨行之操不以世

之味緇髮亂志尤為荆川所敬吾輩敬備之真有媿也

陳恒檢 字省夫晉江人封經歷所著有西橋隱言

陳會 字敦禮晉江人嘉靖中貢士官至訓導一號東川先生

王國相 晉江人嘉靖二十五年舉人官至知縣居官有志操善書法得蘇黃體

林一新 字震起晉江人嘉靖二十六年進士官至布政使以清節著名

張冕 字莊甫晉江人嘉靖二十六年進士官至叅議以執法為權要所銜居鄉獎善化惡有太立之風

曾承芳 字英遇惠安人嘉靖二十六年進士官終御史

莊應禎 字周甫惠安人嘉靖二十六年進士官至布政使

李績 字存孝晉江人嘉靖二十九年進士官至鴻臚少卿

尤烈 字子偉 晉江人 嘉靖二十九年進士官參議 致仕令初門有遺愛居鄉甘貧樂道

薛天華 字思素 一字君確 晉江人 嘉靖二十九年進士官至布政使 講學厲行仕以清白稱 文學歐曾

下自申 字明嶽 晉江人 嘉靖二十九年進士官至知府 為文平直 爾雅老而好學 士大夫藏書之富 少有其儷

傅夏器 字廷璜 南安人 嘉靖二十九年會元 官至吏部郎中

陳道基 字以中 同安人 嘉靖二十九年進士官歷南

張峯 字惠安 嘉靖二十九年進士官終紹興府通判

鄭一龍 字于田 惠安人 嘉靖二十九年進士官至副使 家居好學

莊士元 晉江人 嘉靖三十二年進士官至戶部員外

莊有崇 字孔觀 晉江人 嘉靖三十二年進士官至府丞

史朝宜 字直之 晉江人 嘉靖三十二年進士官至布政使 致仕有清譽

許宗鑑 字應衡 晉江人 嘉靖三十三年進士官至浙

何炯 字思默 晉江人 嘉靖三十三年貢士官至靖

及清源文獻刻泉郡莊編修曰向先生所傳 著大指在實學實行以究倫常之極 故其為文體物切理意鑄性鎔澹然而文黯然而質 蒼然而老於骨卓然而高深於詞所謂孝弟 之言藹然仁義之言粹如

王師性 字知州 晉江人 嘉靖三十七年舉人 官涿州

蔡存省 晉江人 嘉靖三十七年舉人 官至同知

陳嘉猷 南安人 嘉靖中貢士

陳邦顏字獻社晉江人嘉靖四十一年進士官至給事中初仕華亭蓋賦訟之數雖在紛沓不廢書史文采方有聲而其年不永惜也

蘇仕潤字御史晉江人嘉靖四十四年進士官監察御史

黃喬植字以培晉江人恭肅公次子嘉靖四十三年舉人

蕭騰鳳字明仲晉江人隆慶二年進上官歷兩淮運使善詩工書法

王用汲字明受晉江人隆慶二年進士官初官戶部主事極論都御史陳炯和媚逢迎江陵相者意指刑部尚書謚恭質

李熙字穆之晉江人隆慶二年進士官至叅政有志聖賢之學

張字仲矩惠安人岳姪貢士官至英德知縣議論有英風

陳廷表字伯孝晉江人隆慶初貢士官至安慶訓導

唐堯衷安溪人貢士官至教諭

黃金晉江人隆慶四年舉人仕南康知縣

陳詔晉江人隆慶五年進士官至浙江憲副治海塘有功所至以廉能著聲

楊廷相字居官清慎晉江人萬曆二年進士歷仕通政使

莊履豐字中熙晉江人一俊孫萬曆丁丑進士官至翰林修撰性行孝友為文章蠶起泉湧筆無加點者

陳鏐字惠安人萬曆四年舉人

溫顯字公宣晉江人良之裔孫萬曆八年進士官

陳紹功字及卿晉江人露子萬曆八年進士官至潯州府同知博學能文

莊履朋字中益晉江人履豐弟萬曆十一年進士官至主事為文閱偉方有志不朽之業不竟其

至主事

至主事

至主事

年時人惜之

王同休 字揚甫 晉江人 萬曆十四年進士 官至吏部

陳學潛 字爾昭 南安人 國子生 能詩

秦舜藩 晉江人 國子生 仕 潞州判官

周訓 字行之 晉江人 國子生 官中書長於尺牘

藩王

宋

陳洪進 字濟川 其先泗州人 祖珂 入閩 徙泉州 仙

中書令 南康郡王 謚忠慎

武弁

明

俞大猷 字志輔 晉江人 嘉靖中武進士 都督同知

鄧城 字蕭國 晉江人 嘉靖中武解元 任副總兵 詩

爵里疑誤

宋

段全 郡志不在進士之科 興化志書泉州人 咸平

五年為仙遊尉 名學能文 注心學校 蕭人思

王覺 仁宗時人 其戰國策序末云 清源王覺題而

林宗臣 先公舊錄一詩而郡志不載其名 不知何所

元

林泉生 通志謂福州永福人清源志謂郡人與化志謂晉安人然洛泉生或從父宦而產於泉歟  
夏秦 字西仲不知何許人或云元季進士國初徵辟皆不至隱青陽山年九十六卒通志作晉江人

布衣

唐

王轂

宋

梁公護 字湯夫東平丞相孫李肅公之婿也不樂仕進隱于尚安之靈秀山風節甚高詞翰清美人多傳之

黃子善 晉江人嘗遊瓊州客焉見瓊州志紹興間

魚葵 字吉甫同安隱士宋季舉科廢桂門其遺書以去其著述多無傳者有周禮解

明

陳真晟 字剩夫一字晦德泉州人成鎮海遂為漳州人號布衣先生題其墓曰皇明理學名臣泉南布衣先生陳公之墓不忘本也

董澄 晉江人郡學生

黃希顏 晉江人潤之父以潤貴封松江知府

趙本學 晉江人通兵法

蔡信 惠安人庠生以非罪死于獄

鄭昭 字養晦惠安人一龍之父以一龍貴封戶部主事

清原

于宗亮 永寧衛人温陵詩社

江一鯉 泉州衛人温陵詩社

王朝佐 晉江人善畫畫雞尤為工妙○文徵明日王

陳鷗 晉江人温陵詩社

李杜 字思責晉江人與王遵巖游為郡諸生棄去

地從俞都護幕下大司馬譚綸禮為記室因避

黃克晦 字孔昭惠安人○孔昭之詩如入幽林長薄

其樹木皆世所有而鬱然翳翳遂覺老蒼歷

下瑯琊所稱盧謝未餽或先○沈明巨曰孔

昭詩蓋多深沈之思者也木之冲和情以景生

以春容厲之以不虛設日新造構古質間然銖

語必自鑄字合度睹之若虛即之必有執之

兩鈞停肉好合度睹之若虛即之必有執之

無着察之自呈蓋其才情高藐湊理密綴

格調適美音律鏗鏘氣完而神定色澤

永蓋大雅之道足稱無憾矣○林登卿曰孔

昭淵邃春容五七言近體紀律森如古風翻

翩天籟自鳴置諸漢晉建安莫辨誰何

陳存晦 晉江人

張志騰 字以節晉江人

張志尹 字以進晉江人

張守質 字可甫晉江人

陳欲潤 字爾身晉江人讓子有志聖賢之道為學官

弟子旋棄去廬于父墓自號涵江布衣

玉國輔 晉江人

王文昇 晉江人

何茂先 字隆孝晉江人○陳爾身曰予讀人之文多

青原文狀

生

上

言動人殊深

林甫任 晉江人學諸生究心學問

莊望梯 字彥升晉江人學諸生能文

閨秀

宋

陳夫人 內翰蘇紳妻子頌為丞相封魏國夫人

明

吳扶陽 晉江人刑部員外何瑀妻以烈旌

姚氏 惠安人陳文瑋妻以烈聞

釋子

唐

釋智亮 不知何許人或曰身毒人居開元寺東律巷

化戴雲山不火食者累月有虎馴伏其側大  
中十二年九月坐化其徒泥其軀于殿今其  
真身猶存開元寺

黃蘗禪師

唐溪詩話云唐宣宗微時武宗忌之遁跡為  
僧遊方同安夕陽山黃蘗禪師與觀瀑聯句

釋文超

盧氏子字奇逸博洽內外學聲聞朝野唐天  
祐中賜號弘教大師刺史王延彬以超能詩

釋懷暉

京兆府章敬寺泉州謝氏子謚大覺禪師

釋無了

本郡沈氏子龜洋峰舊翳無了一日策杖披  
榛遇六眸巨龜斯須而失因庵龜洋有虎逐  
鹿入庵無了以杖格虎存鹿告寮瘞于正堂  
垂二十載為山泉淹沒門人發塔見全身水

青原文

生

十三

中而浮閩王聞之遣使昇入府庭供養忽臭  
氣遠聞王焚香祝之曰可還龜洋言訖異香  
普熏奏謚真寂大師

### 五代

釋省脩

僧姓阮氏清源仙游人泉州招慶院淨修禪  
師閩侯文進昇號明覺禪師宋興藩相表聞  
太祖賜真覺師名

釋行言

泉州人金陵報慈寺僧

釋法騫

泉州施氏子漳州刺史陳洪銜請開法隆壽  
寺

釋玄應

陳洪進聘主漳州報劬寺

釋清豁

僧姓張刺史陳洪進表奏賜號性空禪師  
居門無牝鑰薄曲障風而巴與玄應鼎留山  
中太平興國元年冬戒門人以其遺骸食蟻  
蟻勿塔入堪巖坐盤石山長七旬餘歲

犯者其徒乃火之

### 宋

僧定諸

晉江人學佛兼通儒道宅心岑寂浴畧如遺  
巾履之外虛空一色曾楚公會與為方外友

僧法輝

晉江人居廣福院禪餘頗以詩自娛與呂蜀  
叔石聲叔陳原道釋居億居全同社

釋道英

惠安人崇寧間為僧深于禪理有語錄行世

僧戒環

晉江人著釋法華楞嚴二經解行于世

釋谷泉

泉州人南嶽芭蕉廣大道禪師受法汾陽放  
蕩湖湘後省同叅慈明禪師

女冠

尼無著

平江府資壽妙聰禪師丞相蘇公頌女也年  
三十許厭世浮休脫去綠飾咨叅諸老

元



釋大圭

曰不姓字恒白晉江人博究儒書兼通內典常  
古無山林枯槁氣自號曰夢觀有夢觀集紫  
雲開士傳

僧可庭

釋用平

有詩名與陳旅阮恂王潛游號明道禪師

明

釋道超

字雲外姓李氏安平鎮人

僧咲堂

同安人國初詩僧

羽士

譚

峭

字景升泉州人國子司業洙之子遊終南太  
白太行王屋嵩華岱嶽諸山得辟穀養氣之  
術嘗作化書授宋齊立令為序齊立攘為  
作擗景升于河死焉

道人

紹興中自江東來泉頭戴通草花行歌  
人與之金則買酒徑醉莫知所止隱於北山

清原文獻姓名爵里舉

劉清源文獻名氏

明

郡人前靖江教諭何炯

纂輯

男國子監學正喬遷

禮部郎中喬遠編次

翰林院編修莊履豐

潯州府同知陳紹功廣遺

泉州府知府新安程朝京

選刻

本府儒學訓導晉陵馮夢龍校錄

福建按察副使分巡興泉道容管楊際會

重閱

泉州府同知吳郡姚純臣

通判錢唐陸南至

推官晉陵劉純仁 校正

晉江縣知縣清遠徐兆鼎

南安縣知縣東莞袁崇友

惠安縣知縣太和劉一陽

同安縣知縣古歙洪世俊

安溪縣知縣涇縣章廷訓

永春縣知縣潛山袁一陟

本府儒學教授長汀李一鈞

晉江縣儒學教諭南平吳會寅

南安縣儒學署教諭順德劉若個

惠安縣儒學教諭邵武李 巡

同安縣儒學署教諭歐寧葉宗舜

安溪縣儒學署教諭溧陽滕養志

永春縣儒學署教諭順德葉朝陽

德化縣儒學教諭羅源張 潮

本府儒學訓導三山林萬松

歸化揭喬嵩

松溪黃 澹

晉江縣儒學訓導崇仁謝 迎全校

清源文獻目錄

卷之一

賦

卷之二

詩

卷之三

詩  
調  
偈  
頌

卷之四

制  
勅  
誥  
冊  
文  
表  
露  
布

卷之五

奏疏狀

卷之六

頌贊箴銘文擬原戒

卷之七

論議評說篇述附誌錄問對

卷之八

辨解讀疑題跋雜著

卷之九

書啓

卷之十

序

卷之十一

序

卷之十二

記

卷之十三

記

卷之十四

碑

卷之十五

傳

卷之十六

行狀 行實紀附

卷之十七

疏文 祭文 哀辭

卷之十八

誌銘 壙誌 神道碑 墓表 墓碣

目錄

清源文獻卷之一

明 郡人前靖江教諭何 炯纂輯

知泉州府事新安程朝京選刻

賦

懷忠賦 并序

唐歐陽詹

丙寅歲因受譴季冬之月次于殷墟歷關龍逢墓焉  
昔聆其風未嘗不迴腸實涕覩夫塋壟心又增傷遂  
寫憤于言為賦以弔先生以忠諫致命故以懷忠命  
篇云

天生彼癸兮用穢覆于夏家欲悠悠而罔極毒浩浩

而無涯無辜殞身肆市朝之若莽有道併命委炮烙  
以如麻伊先生之諤諤為酷烈之所加嘗披圖於往  
載每廢卷於興嗟蕭條舊邑莽蒼空陂陷陵成坎古  
木無枝或人曰此其墓也又一倍以增悲嗚呼麟非  
騰噬之儔詎虎狼之共穴鳳實仁靈之類豈鷹鷂之  
同列惟玉石之明分亦薰蕕之自別是以蹇蹇心兢  
昂昂面折彼炎炎之原燎信樸樸而不滅寧歸死以  
中懷不貪生而結舌痛矣哉古人有言輔仁者天福  
善者神胡為是日功不如人使典章之不信俾忠義  
之空動律中大呂日臨蒙谷風颼颼於衰草煙茫茫  
乎平陸思悽悽而填臆淚淫淫以盈目義則非其知  
友親故遠夫骨肉節臨危而不撓行於艱而彌篤惟  
其有之是以傷之而慟哭

律和聲賦

以見象聲律以和萬方為韻

唐歐陽詹

詠聲周兮律聲遍人心厚兮國風變伊在堯之既聞  
我得變而又見衷思慮始安和道往宗伯官也擇人  
乎有才正始化焉選音於無象綴咸池之雅韻去桑  
間之末賞啻風晉以雨周筭天長而地廣律則以宮  
繫徵詠則從濁揚清且懲流而反正常誠險以歸平  
若近若遠非幽非明類無臭等無聲信矣惟時與四

時之德洽純如奏合彌六合以大成善詠者聲應聲者律會高低以齊舉偕疾徐而並出跡不得尋功如何述為災為青曾莫奏於淫君調陽序陰屢見資乎聖日故得之者體員銜方失之者亡禋絕祀比屋可戮桀紂罔測其所由率土可封堯舜固知其所以不然者移風之言曷謂易俗之訓則那我所以清六管頌賡歌載唱載吹匪埴篪之獨叶一張一弛豈琴瑟之空和八絃有截四海無波物阜人蕃雖已歸之至德鳳來獸舞蓋於斯而靡他其理微其用遠論有助也侔大君之得一考無情焉同八風之吹萬可謂我

斯揚我律斯臧發揚六氣孕育群方處植者以之而茂實含識者於焉而壽昌彼離連與粟陸復何道而稱皇

霓裳羽衣曲賦

唐陳嘏

我玄宗心崇至道化叶無為制神仙之妙曲作歌舞之新規被以衣裳畫法上清之物序其行綴乃從中禁而施原夫采金石之清音象蓬壺之勝槩俾樂工以交作儼彩童而相對瀉灑合節初聞六律之和搖曳動容宛似群仙之態爾其絳節迴迓霞袂飄颺或延盼以不動或輕盈而欲翔八風韻肅清音思長引



洞雲於丹墀之下颯天風於紫殿之旁懿乎樂洽人  
和曲含仙意雜絃管之繁節澹君臣之玄思清淒滿  
聽無非冲漠之音颯沓盈庭盡是雲霄之事吾君所  
以凝清慮慕玄風無更舊曲用纂成功既心將道合  
乃樂與仙同悅康平於有截延聖壽於無窮美矣哉  
調則冲虚音惟雅正于以臻逍遙之境于以暢恬和  
之性遂使俗以廉平人無爭競見天地之訢合致朝  
廷之清淨小臣抃而歌曰聖功成兮至樂修大道叶  
兮皇風流願揣侔於竹帛贊玄化於鴻休

履春冰賦

以戒慎之心如履冰上爲賦

唐陳嘏

履道有本戒之在冰每翹翹於進守如凜凜之不勝  
累足有懼旁行可矜識安危之在德豈顛越之或承  
不敬其心敢徵所以本之於有既漸乎履霜戒在不  
虞罔輕於狎水方保心於慎獨焉敢測乎涯涘人之  
所畏豈造次而可忘道之將行非中人而勿履敗或  
聞於旋踵義無輕於舉趾不處其薄君子之行固然  
惡居下流詩人之戒深矣其始也陽律掩耀陰飈戒  
時因潤下而生德由寒沍以成姿皎若澄虛而體合  
上善冥然沉響而跡不能欺苟戒之而不履是以履  
之而不疑事異涉溱匪裳之褰也德輶如羽知仁可

蹈之則知視險無必素誠可諒罔違日慎之心無易  
春冰之上投足而衆流不測委順而中懷是廣怒焉  
如擣知大患之在躬生也若浮敢憑虛而用壯孰曰  
堅乎匪同介如結寒波而暫聚湛清質以含虛恍若  
有亡似乘空於月宇退然如失猶奉身於玉除且異  
夫莫來莫往何遵於匪疾匪徐必若懷以勵貪飲以  
明信如臨之戒如履之慎則知水德可保冰力可任  
匪冰不薄匪水不深彼之蹈者委乎足我之蹈者本  
於心又焉能料其薄厚而計於升沉則執德罔愆特  
是永戒意平澹之可觀在清夷之不壞豈知蹈之

通行之在德而忽乎淪溺之敗

冰池照寒月賦

以寒淨光潔  
瑩心目為韻

唐林藻

瑤池洞徹堅冰始攢玄天皎晶皎月初圓冰含虛以  
淒冷月委照而光寒既合體以凝質故清輝而可觀  
爾其氣肅而勁色虛而淨俯視則湛若玉壺仰觀則  
爛如金鏡履之者可以慎其矩步翫之者可以滌其  
情性嘉乎清熒旁達曠曠交映閭樓臺則素色彌分  
出河漢則清光寥愛良吏觀我以思飲墨客覽我以  
興詠懿夫鑒照無隱盈積有方纖埃翳而必見衆象  
照而難藏晃兮奕奕耀兮彰彰奪銀河之曉色掩冰

鏡之秋光于時群動已息寒夜未央微雲度月以澹  
蕩細影拂池而悠揚晶耀兮環林之際朗練兮孤亭  
之旁月周天兮有虧池擁水兮難決月在則光瑩月  
沉則光滅彼冰也非無自然之色我取映月而增潔  
此月也非無自然之光我取籠冰而加澈斯乃以淨  
臨淨不瑩自瑩精氣交而上浮光彩融而入暝夫如  
是至人遇之而暢襟貪夫對之以勵心豈徒皎皎然  
罔象炯炯爾照臨而已哉向若月隱西峯冰藏深谷  
焉得解吾人之昏滯悅志士之心目

晨光麗仙掌賦

以有如攀青天  
捧白日為韻

唐潘存實

晴天既曙峻嶽凝青仰熙熙之旭將吐見高高之  
星形假彼晶光庶有分於清濁挺茲秀異示無雙於  
杳冥燠矣而昇岩然相射浮艷華之爛爛靡太虛之  
奕奕寫乾坤之麗色先覺瞳矓廓煙霧之餘姿轉見  
明白疑參若木似折芙蓉杲杲之容漸積慘慘之狀  
不如下映而千巖共曉上照而丹霞共舒影曜人間  
每當瞻瞻之早跡居物外長承煦煦之初昭昭以臨  
峩峩莫匹向空凝彩若月下之對金莖遠渚流輝異  
樓上之呈素質既炫晃之旁達亦孤標而獨出幸當  
清淨之晨免蔽沉陰之日佳氣或爍朝雲不還發明

媚於紫霄之際擊彩翠於碧落之間自彰和朗寧侯  
躋攀遙揮六龍廻臨萬有初分焜耀訝髣髴以成文  
俯掬清光信爛熳而入手則知事不自好理資相鮮  
因流光德獲照金天想清風旁來宛其穆若視晴景  
中駐何愧拳然故得無私功博潤色道全當八極洞  
開之次明二儀交泰之先豈獨擘洪濛而干造化設  
形象以配神仙而已哉於是靈蹤長聳日華長捧不  
然何群山遷迤而相奉

過驪山賦

以陵推國歿永  
紀窮塵爲韻

唐徐寅

六國血于秦秦皇還化塵塵警而爲楚爲漢路在而

今人古人但見愁雲黯慘疊嶂嶙峋時遷而金石  
圯地改而荆榛旋新愚聞周衰則避債登臺秦暴則  
焚書建國貴螻蟻於人命法豺狼於帝德兩曜昏翳  
九圍傾側扶桑幾里我鞭石以期通溟海幾重我驅  
山而要塞慘慘九穹嗷嗷七雄三農百穀以休務淬  
鐵磨金而獻功九州病萬室空韓趙魏以火滅楚燕  
齊而坐窮家有子兮誰得孝國有臣兮爭敢忠九野  
分將焉作兆民之主諸侯吞盡方行天子之風星隕  
九霄城長萬里血染草木肉肥蛇豕將欲手挂天刃  
足挑地紀拙虞舜而短唐堯汚殷辛而長夏癸禍從

殃催川搖嶽摧金陵之王氣頓起蓬島之宮娥不來  
黔首求主蒼旻降災天漢之龍髯倏斷沙丘之鮑臭  
誰猜魑魅諸夏腥羶九垓於是宅彼岡巒兆斯陵闕  
猶驅六宮以殉塋豈言蔓草之縈骨媿示儉於當時  
更窮奢於既歿融銀液雪䟽下地之江河帖玉懸珠  
皎窮泉之日月嶻嶭層層不騫不崩斯高之喉舌方  
滑劉項之雲雷忽興軹道一朝墮獻漢家之主驪山  
三月火燒秦帝之陵今則草接平原煙蒙翠嶺想秦  
吏以神竦弔秦陵而恨永華清宮觀鏤雲霓作皇唐  
之勝景

曆者天地之大紀賦

宋蘇頌

昔聖王建官司地因象知天推曆用明於大紀考星  
咸自於初躔合三體以爲元成書最密舉二篇之定  
策備數無愆古有善談載於前志因太初創曆之首  
述往聖知時之義莫不究極象數精窮天地有時以  
記夫啓閉有日以紀乎分至躔離弦望也於此而爲  
正晦朔昏明也於此而攸示下可辨乎斗建上靡差  
於辰次惟君審璣衡之運所以緒正於元功使民知  
寒暑之來然後順修於時利况夫曆爲一歲之本紀  
明太極之基推精祲之至妙豈深思之與知必也迎



原件短缺

9~10頁

辰以策定畧于儀帝舜則羲和而分命顓頊則重黎  
而是司皆所以準厥二氣乘於四時聖有作也人皆  
度之制自清臺得舉正履端之要職由太史盡觀文  
察理之宜乃若辰集于房月窮于紀孟陬既協於月  
建攝提亦隨乎杓指國將班正朔以爲令王乃觀情  
性而順理章蔀元之書兮著於彼子丑寅之正兮見  
於此可以察發歛於未然定舒慘之所以推而生律  
子陽午陰而互分治以明時春作秋成而是擬且夫  
天之運也日與星而代逢地之道也柔以剛而莫窮  
非得聖無以探其賾非立法無以舉其中我乃錯綜  
壽陽之脂粉則誣以高樓之羌笛不比色於東鄰之  
艷冶則較香於南海之耶律是皆未識梅之幸采而  
徒外觀其形迹林逋何遜賦詠何益予獨不言對花  
而默

瓊芽賦 并序

元陳旅

樂陽之野多芍藥人掇其芽以爲蔬茹雄武邢遵道  
始治之以代茗飲清腴甘芳能輔氣導血非茗飲所  
能及也至治中有旨命如法以進天子飲而嘉之於  
是乎有瓊芽之名夫芍藥之爲物以花豔取重於流  
俗至用爲藥餌爲烹飪之滋皆不足以盡芍藥之妙

自著本草以來至今世始得因道以所蘊者見知  
天子何其遇之晚也余惟物之不遇於世者多矣固  
有一無所遇而竟已者而不欲以它伎自衒至晚始  
一遇者亦可悲也余年四十又一始爲國子助教天  
曆二年夏扈從至京因過邢生飲瓊芽而生徵余賦  
其辭曰

翳神臯之瀟也兮余匹馬而孤征朱光燭陰雨復暘  
兮瓊芽怒抽寢滿乎郊堦彼婦子之種種兮持傾筐  
以取盈蓋淹之以爲菹兮復芼之以爲羹友野茹以  
進兮至溷辱于腐腥既不得吐層華以當春兮又  
不得爲雅劑以上下乎參苓鬱邢生之嗜奇兮  
世而相違戶腰艾其摠摠兮則紉蘭而佩之閱靈  
之純嫩兮曾不得嘗其所施乃登廣原涉芳蒨披  
卉擷珍栽盛以文竹之管屑以綠石之磴淪之以  
櫬泉燥之以火遂廣延紺霜遜其色丹丘寶露愧其液  
諸栢巴且甘斯埒也留夷軒于芬斯奪也乃若溽暑  
既收涼吹初作鸞旂罷獵張宴廣漠舞魚龍於鈞天  
厭牛羊於珠澤亟命進乎瓊芽俾得聯於玉食當是  
時也金沙紫筍龍安騎火乳窟仙掌蒙頂麥穎皆於  
邑以無色甘退列于下左夫何一幽人兮擊孤芳以



徘徊撫年歲之既晏兮恐繁霜其崔嵬念寵榮之所  
在兮競膏車以驅馳或以近而易與兮或以遠而不  
見推或握瑜以來毀兮或群薦而非壞以媚世者之  
誠可耻兮則寧抱吾而委蛇

望思樓賦

并序

明張岳

樓王克明之先人築以娛老逮其歿也奠距樓南十  
里登樓以望則其藏也與其昔遊也皆可思也故克  
明寓以斯名而請年友惠安張某爲之賦以道其思  
絳河之陰龍潭之澁有高樓焉凌晷景以上騰橫碧  
嶺中峙群山環委在下兮若舞而翔若拱而起

光於茅麓兮聽逸響於江瀨時憑虛以縱觀兮  
還情之所寄睠千里兮會心羗何爲兮垂涕嗚呼  
噫嘻宇宙無情萬物有數感物變之無端兮憂與樂其  
易趣念斯樓之始基兮果誰人之尺度方其畫棟春  
輝綠衣日麗寂水承歡絃歌繼志陋人寰之卑湫兮  
挾爽鳩以洞視曾日月之幾何兮但見荒墟頽冢馬  
鬣崇而蕭室閔拱木樛兮淒淒宿草青兮搖曳水幽  
咽以含悲兮雲黯勃而凝淚狐兔躑躅以經丘兮亦  
嘯歌而慘悴循蓼莪之哀詩兮耿宛鳩之不寐顧仿  
彿以如見兮馳管魂於四際精博博以往來兮氣穆

穆以方繼初浙瀝以盤旋兮忽冥迷而漫彌上無高  
而不即兮下無深而不至慨寥廓之無有兮息衡中  
之纒纒飛野馬於梁間兮度隙光於疏綺風飄飄以  
動簷兮疑颯颯而來止起睇眄於中天兮見長江之  
東逝目斷絕而弗舒兮心煩寃以如醉嗟昔賢之慷  
慨兮猶追傷於負米顧鼎祭之惟豐兮亦何釋於壘  
耻極幽明以攀號兮曠千載而一揆非大德之可言  
兮寧報施之可擬仰蒼天之浩蕩兮茫不知其所以  
樓之望兮有時而窮望之思兮有時而弭收視反觀  
鄰爾思兮內湛湛而弗貳荒丘之頽兮斯樓之圯兮

爾名永存前人之光兮後人之企

明志賦

并序

明李愷

介鄉陋境考槃在焉抑鬱興懷敷音於楚模體於騷  
聊作趨鳴敢云鳳奏

伊嗟箕山兮巢由之宇瞻彼終南兮綺里之圃大道  
渾淪其未斲兮心歟涵乎太古飲犢於上流兮銖塵  
於冕黼采芝蘭於商丘兮夫豈弋獲於漢輔烏獸群  
而與居兮麋鹿馴而與娛繫余非斯人之徒兮胡爲  
徬徨於宋魯範余轡而馳驅兮廼服衡於造父進中  
路而阨塞兮還予而卻武韞憤瞽而不解兮託登

陽以采苦春雲變而鬣鬣兮朝濟急其淫雨吾將友  
夫文豹兮冀山君之不吾怒退屏營於中霧兮又失  
色於遭虎黃鸝鳴於深樹兮鴟鳩斂其拂羽鵲叫余  
以歸去兮雉以介而罹罟玄鸞翔所止而後栖兮寧  
無朋而踽踽就綠野而隱几兮信天命之多齟禪宗  
宗而無侶兮巾醜醜而獨酤意酹酹而未醒兮琴淒  
淒其載鼓吹孤竹之管兮動南籥之舞歌江南之詞  
兮間之以靈均之府有一美人下於九天兮笙流伏  
其如縷奏空桑之琴兮鳳婆娑而來舞余興懷而啓  
兮解懊惱而擊股復賡以陽春兮亂洋洋其盈戶  
曰吾誰之思兮西方之人也何怛怛傷怨兮既禮之  
濱也比干忠而刳腹兮飛廉佞而幸親也西伯聖而  
美里兮崇侯譖而秉鈞也古固有然兮豈獨靈修之  
不仁也山蒼蒼兮水粼粼也沮溺百晦兮樂終身也  
抱貞志以順受兮何有於問津也

蠹木賦

明鄭昭

小圃雜植菓木間蠹生不暇與治暮春之月衆芳競  
發香氣襲人予往玩之或愛其枝葉之茂而忘其心  
腹之疾攀而隨折因見蠹虫在中動以待斃感之作

賦

方春發生萬物爭榮既靜觀夫自得亦俯仰而含情  
涉後園以適趣愛佳樹之繁英匪斧斤之斯伐忽根  
株而自撥相枝葉之無傷而顛沛之何說細觀厥木  
外完中缺豈綠竹之虚心奚脉理之內絕爰有一物  
哲質素章蛸蛸蠢蠢完于其中殊屈伸而無據若進  
退之難容居然就食其名爲蠹蟲予於是歛歔悽愴  
呼兒曹而語之曰是余之過也草木有生而無知中  
心受蠹而莫治因循日久喪其生理余知培其表而  
不養其裡維實之食壹至於是廣而言之亦風人之  
戒也兒曹曰願卒聞之余曰噫嘻凡茲植物品彙

不齊叩其性質則有陰陽堅脆貴賤修短之殊竊是  
以神芝仙桂生於絕域長於天闕根盤九陰香薰日  
月夏無炎蒸冬無霜雪鬼魅畏之避不敢越迺若三  
河之隩五岳之麓椅梧生於朝陽栢栗聳乎故國文  
梓則出走青牛貞松則淒息白鹿復有香生楓柙才  
美楠榿松子古度平仲君遷周則召伯所憇漢則將  
軍坐焉莫不紛披宵露傲睨晨烟風雲颺颺節勁心  
堅含聲抱律黛色參天巢鶴集鳳無慮千年故東海  
之廟以白木名西河之社以枯桑稱楊葉關於北陸  
梅根治於南陵豫章以之名郡刺桐因之爲城是皆

不蠹之木永其壽命而為神人之所憑也次則徒植  
河陽移根楚畹菟園縹玉之娛金谷綠珠之選勤興  
臺之栽培窮昕夜之鍾畚燥濕是調腹心無沴花實  
任其開落春秋忘其近遠若夫孤山淺壤木雖有材  
風霜摧折牧豎撼排鳴鴉啁鷄菌壓苔埋徒使存心  
負節淪沒蒿萊外戴癭瘤下拂塵埃桂銷亡而莫惜  
桐半死而誰哀至如柑橙橘柚之屬層枝剡剡含液  
抱膏根柢何有於蟠蚪疾痼端起於秋毫幾微不剔  
至尋斧柯嗟斯木之受病遂付之無可柰何載觀是  
黃初無種類胡為乎生但有屑木之能曾無聲音之

命與木俱木傾則死惟人物之理一吾於是乎有  
取是故妹喜蠹夏妲己蠹商褒姒蠹周宦豎蠹於漢  
唐使二季不蠹女寵則國祚固未可論漢唐不蠹宦  
豎則天下可至今存於戲天地之性惟人為貴端厥  
身心統理萬類逸居飽煖無所馱為敗家凶國與蠹  
同歸物有小而戒大事由微而至著是用擬詞比之  
風刺

精治文書

精治文書卷之一終



